



Komisaun Ekonomia no Dezenvolvimentu

RELATORIU VIZITA FISKALIZASAUN IHA MUNISIPIU BOBONARO

I. Introdusaun

1.1. Enkuadramentu Legal

Komisaun Ekonomia no Dezenvolvimentu, Parlamentu Nasional halao vizita fiskalizasaun bazeia ba art. 92, art. 95, n.º 3 alínea e), kombinadu ho art. 145 n.º 3) husi Konstituisaun RDTL, no mos bazeia ba art. 35 alínea c), kominadu ho art. 79 alínea f) husi Rejimentu Parlamentu Nasional.

Vizita ne'e bazeia ba informasaun husi pesquisadora JICA sra Kiyoko kona-ba kondisaun Irigasaun sira-ne'ebé hetan estragus iha Municipiu Bobonaro. Hodi desempeña kna'ar Komisaun nian, iha loron 06 fulan fevereiro 2019, Komisaun delibera hodi remesa rekerimentu ba Presidente Parlamentu no hetan autorizasaun iha 7 fevereiru 2019.

1.2. Métopu Fiskalizasaun

1. Enkontru ho Autoridade Municipal Bobonaro

Delegasaun halao enkontru ho Prezidente Autoridade Munisipal Bobonaro, Diretor Agrikultura no Peskas, Diretor SEFOPE, Oficial MTCI no Fokal Poin Ambiente.

2. Visita Terenu

Hare projetu fiziku, koalia ho agrikultores, rona comunidade nia lamentasoens no trabalhador sira-nia difikuldades.

3. Dokumentasaun

Rekoilla informasaun liu-husi dokumentos ne'ebe liga ho ministerius relevantes relaciona ho programa no ezekusaun orsamentu anual ne'ebé Parlamentu aprova.

Komisaun Ekonomia no Dezenvolvimentu

1.3. Objetivu

Vizita fiskalizasaun Komisaun nian ho objetivu atu observa diretamente kona-ba funsionamentu Administrasaun Pública, ezekuzasaun programas no projetus liña ministeriais sira-ne'ebé implemente iha munisípiu refere.

1.4. Programa Vizita

- Quinta-feira, 7 Marsu 2019, 10h00, Enkontru ho Presidente Autoridade Municipal Bobonaro, Diretor Agrikultura, MCI, SEFOPE, no Ambiente, fikalizasaun ba Irigasaun Cailaco no Sistema Irigasaun Maliana 1, Suco Lahomea.
- Sexta-feira, 08 Marsu 2019, fiskalizasaun ba Sistema Irigasaun Maliana 2, Suco Memo, Postu Administrativu Maliana.

1.5. Kompozisaun Delegasaun

Membrus Komisaun Ekonomia no Dezenvolvimentu sira-ne'ebé kompoim iha vizita de-traballu ida ne'e kompostu husi:

1. Deputada Virgínia Ana Belo (Prezidente Komisaun)
2. Deputadu Ricardo Baptista (Vice-Prezidente)
3. Deputadu Alexandrino C. da Cruz (Membriu)
4. Deputadu António dos Santos "55" (Membriu)
5. Deputadu José Virgílio R. Ferreira (Membriu)
6. Deputada Regina Freitas (Membriu)
7. Teknikus no motoristas

II. Atividades Realizadas

2.1. Reuniaun ho Prezidente Autoridade no representante ministerius

Iha loron quinta-feira, 07 fulan Marsu 2019, tuku sanulu dader, iha Salaun enkontru Administrasaun Município, Prezidente Komisaun Ekonomia no Dezenvolvimentu no Membrus sira hala'ó reuniaun ho Prezidente Autoridade Munisípiu Bobonaro, senhor Zeferino Soares dos Santos no representante Ministeriais: Diretor Agrikultura, senhor Adérito dos Santos, Ministériu Comércio e Indústria -MCI, senhor Martins Magno,

Komisaun Ekonomia no Dezenvolvimentu

Serviço Ambiente, senhor José de Assis Moniz no Diretor SEFOPE, senhor Ligório A. de Jesus.

2.2. Assuntu abordadus

2.2.1. Servisu Agrikultura

Tuir diretor agrikultura, senhor Adérito dos Santos katak atividades no implementasaun programa husi Ministeriu Agrikultura iha nível municipal, bazeia ba programa anual ne'ebé kontempla iha Ministériu Agrikultura no Peskas. Diretor Agrikultura mos esklarese situasaun balun ne'ebé sira infrenta ba membrus Komisaun D hanesan :

- Besik tinan 2 empase politka ne'ebé ita hasoru, halo MAP Munisípiu Bobonaro laiha orsamentu hodi halo manutensaun ba tratores nune sempre aluga no laiha kombustivel ba equipamentos pezadus hodi halo normalizasaun ba irigasaun.
- Problema urjente ne'ebé iha mak sistema irigasaun. Iha Munisípiu Bobonaro iha sistema irigasaun boot 2 hanesan Sistema Irigasaun Maliana 1 ne'ebé kobre ba natar 1.050 hektares no Sistema Irigasaun Maliana 2 kobre ba natar 2.500 hektares. Iha mos irigasaun ki'ik balun ne'ebé hetan estragus total.
- Total área potencial iha Munisípiu Bobonaro 7.662 hektares ne'ebé existe iha Posto Administrativu 4 hanesan Maliana, Cailaco, Balibo no Atabae la inklui Bobonaro no Lolotoe hahu husi tempu Indonesia to agora maibe produsaun menus ba bebeik.
- Problema seluk kona-ba fini. Tuir informasaun katak tinan 4 ona mak governu la sosa fini husi rai liur. Politika MAP mak hari Assosiasaun Produsaun Fini Comercial katak governu sosa fini husi assosiasaun depois mak distribui ba agricultores. Maibe durante ne produsaun fini la suficiente hanesan akontese tinan 2019 iha deit 5 toneladas mak fahe ba postu administrativu tomak. Assosiasaun fini iha Munisípiu Bobonaro hamutuk 6 kompostu husi assosiasaun fini batar no fore rai.

Komisaun Ekonomia no Dezenvolvimentu

- Assuntu mekanizasaun. Iha tratores bo'ot hamutuk 32 unidades ho kondisaun sei diak 14, at naton 10 no at makas ka bot ne'ebé atu leilaun iha 8. Orsamentu manuntensaun \$2.000 kada tinan, maibe durante tinan 2 ona laiha orsamentu.
- Iha epoka batar, agrikultor sira uza deit trator liman (Hand Tractor) maibe kombustivel iha problema tanba preciza 40 litros kada hektar no MAP munisípiu laiha orsamentu.
- Iha epoka hare preciza kombustivel 50 litros kada hektar.
- Total extencionistas 44 ne'ebé tenke atende suku 50, maibe ida ne'e la korela ho politika governu, liu-liu MAP atu koloka extencionista ida ba suku ida.
- Husu atu hasae taxa importaun fos hodi fo oportunidade ba agrikultores rai laran hodi kompete.

2.2.2. Servisu SEFOPE

Informasaun husi direktur SEFOPE Munisípu Bobonaro, senhor Ligório A. de Jesus katak hanesan representante husi SEFOPE Nasional, servisu importante liu mak halo kordenasaun servisu iha nível munisipal no ezejuta programa tuir politika SEFOPE nian.

Servisu importante 3 sai prioridade mak hanesan:

- Área Formasaun Profissional. Iha área ida ne'e nia objetivu mak oinsa prepara ita nia comunidade, liu-liu joven sira atu ba servisu liu husi hasae ka eleva sira nia kapasidade, maibe realidade mak to'ó agora sidauk iha centro formasaun ne'ebé governu nia hodi fo formasaun, maibe iha koordenasaun servisu hamutuk ho centru formasaun privadu hanesan São José iha área carpintaria no Organizaun Haburas Moris (OHM) hodi fasilita formasaun ka treinamentu ba iha joven sira.

Hahú husi tinan 2015 to'o tinan 2017, iha ona treinamentu no apoiu material ba joven sira no hetan certificado. Husi formasaun ne'e hari ona Grupo 2 iha especializaun

Komisaun Ekonomia no Dezenvolvimentu

Carpintaria no atividade lao ona iha Cailaco no Balibo. Iha mos formasaun iha área computadores no fomasau iha agrikultura ba joven sira.

- Área Emprego. SEFOPE apoio grupo comunidade / juventude hodi halao serbisu hanesan auto emprego mesmo que programa emprego rural tinan ida ne laiha.

Disputa laborais iha kazu hamutuk 12 no konsege resolve husi SEFOPE Municipal Bobonaro no kazu ida mak haruka tiha ona ba iha nasional hodi soluciona.

- Área Trabalho. SEFOPE halao ona rekrutamento ba kandidatu traballador timor oan ne'ebé atu ba serbisu iha Australia ho total 860 kandidatus, no ne'ebé selesionadus hamutuk 329 pessoas.

Iha formasaun ba joven sira ba lian Coreia ho objetivu hodi prepara wainhira nasaun Coreia husu traballador husi Timor-Leste.

2.2.3. Servisu Ambiente

-Relasiona serbisu Diresaun Ambiente nian iha nivel munisipal Maliana halao deit serbisu koordenasau no monitorizasaun ba atividades negosiu hanesan : Ofisina, Restaurante no Hotelaria inklui halo inspesaun ba projetos sira ne'ebé implementa iha Bobonaro-Maliana hodi hare iha ka lae estudu ambiental.

- Problema sira-ne'ebé mak enfrenta maka laiha Edifisiu permanente no ATK hodi hala'ó servisu Administrasaun nian.

2.2.4. Servisu Ministériu Turismo, Comercio no Indústria-MTCI

Iha reuniaun ne mos, Diretor Ministériu Turismo, Komersiu no Industria esprika kona-ba servisu nebe halao iha Munisipiu Bobonaro katak :

- Atividade industria kiik ne'ebé implementa iha maka produsaun masin iha Atabae hamutuk 2 no agora dadaun 1 paradu hela.

Komisaun Ekonomia no Dezenvolvimentu

- Lisença ba atividade negósiu . Iha fulan Novembro 2018 SERVE lansa katak atu loke iha Munisípiu Bobonaro hodi atende registu no fo lisensa de negosiu maibe ate agora sidauk realiza.
- Be'e Manas Marobo hanesan fatin turística iha Municipio Bobonaro ne'ebé atrai ema rai-laran no estrangeiro hodi ba vizita, maibe problema ne'ebé hasoru maka infraestutrua, hanesan estrada, alojamentu no mos hotelaria sidauk diak. Além de infraestrutura iha mos problema kona-ba gestão no presiza duni gestor ida atu jere fatin turística refere.
- Foho Loelaco mos bele desenvolve sai fatin turística tambá fatin ne'e iha tempu uluk uza ba resistênciá FALINTIL.
- Iha mos fatin turística seluk ne'ebé lokaliza iha Atabae “ INUR HITU”. Fatin ne'e mos iha futuro bele desenvolve hodi atrai turistika domestika no estrangeiro.



Enkontru ho Presidente Autoridade Municipio no Diretores husi Agricultura, MCI, Ambiente no SEFOPE

III. Vizita Terenu

3.1 Vizita Irigasaun Mautal Suku Meligo, Cailaco

Iha loron 8 fulan Marsu 2019, Diretor Agrikultura ho nia equipa akompaña Membrus Komisaun D ba hare direta Irigasaun Mautal Suku Meligo, Cailaco. Diretor Agrikultura esplika kondisaun natar no irigasaun katak:

Komisaun Ekonomia no Dezenvolvimentu

- Irigasaun Mautal Suku Meligo ne'ebé konstrui iha 2003, benefisia ona agricultor sira ho natar hamutuk 370 hektares maibe agora natar balun hetan estragus tan mota sobu. Nune mos Irigasaun hetan ameasa husi mota kuandu iha tempu udan. Atu antisipa situasaun ne presiza equipamentos pezadu husi Instituto Gestão de Equipamentos-IGE atu normaliza fila-fali be'e-mota.

- Agora daudaun agrikultor sira la hetan fini husi ministério, tanba la suficiente.

3.2. Vizita Sistema Irigasaun Maliana 1

Membrus Komisaun D mos halao fiskalizasaun ba iha Irigasaun Maliana 1 ne'ebé lokaliza iha Suco Lahomea, Posto Administrativo Maliana.

- Irigasaun Maliana 1 hetan rehabilitasaun husi Estadu Japão (JICA) iha 2008, hodi hari Maquina fornecimento Be'e ba Irigasaun, no benefisia agrikultor iha Suco 5 kompostu husi Lahomea, Holsa, Ritabou, Raifun no Odomau ho natar 150 hektares.

- Maquina iha Irigasaun Maliana 1 hetan avaria ka a'at iha 19 fevereiru 2019, nebe at iha rolagmentos no volante. Atu hadia presiza tempu tan perras sira ne so iha deit Japão ou la fan iha Timor nune mos Indonésia.



Vizita Irigasaun Maliana 1, Suku Lahomea

Komisaun Ekonomia no Dezenvolvimentu

3.3 Vizita Sistema Irigasaun Maliana 2

Loron 09 fulan marsu 2019, Membrus Comissão kontinua halao fiskalizasaun ba iha Irigasaun Maliana 2 ne'ebé localiza iha Suco Memo, Postu Administrativo Maliana. Delegasaun akompaña husi Diretur Agrikultura no Membrus Unidade Patrulhamento Fronteira-UPF (PNTL) Suco Memo.

- Irigasaun Maliana 2 konstroi iha 1994, no hetan rehabilitasaun iha tinan 2003 liu husi Programa RESPEC ho ajuda fundus husi Banco Mundial.
- Iha 2008, hasai ona rai ka segmetasaun iha irigasaun laran hodi normaliza be'e ba iha natar 2500 hektares. Husi total ne'e iha 1800 hektares mak produtivu no sei dependencia ba iha udan Be'en.
- Presiza mos manutensaun ba iha irigasaun kanu-matan no hasai segmentasaun ne'ebé okupa kuaza 16 km.
- Presiza harí uma 1 ba pessoal husi Diresaun Agrikultura hodi bele tau-matan ba irigasaun maliana 2 no sai mos hanesan gestor.
- Kona-ba planu konstrusaun ba Be'e Mota Suco Memo depende ba akordu entre nasaun 2 (Timor-Leste ho Indonésia) hodi benefisia irigasaun husi parte rua. Além de sira-ne'e presiza halo barazen hodi tahan netik be'e-mota ne'ebé sai ameasa ba pupulasaun sira ni anatar.



Vizita Irigasaun Maliana 2, Suku Tapo-Memo



PARLAMENTO
NACIONAL
República Democrática de Timor-Leste

Komisaun Ekonomia no Dezenvolvimentu

3.4. Vizita Carantina Batugade

Membrus Komisaun D halao mos vizita ba Carantina iha Batugade. Iha vizita ne'e Komisaun observa katak edifisiu Carantina durante tinan barak la funsiona tambá laiha importasaun animal sira tama mai Timor-Leste. Tuir informasaun husi funsionariu ne'ebé destakadu iha fatin ne'e katak durante edifisu ne'e hari laiha atividades.



Vizita Carantina Batugade

3.5 Vizita Merkadu Motaain-Batugade

Komisaun mos halo vizita ba Merkadu Motain hodi observa direta ba fatin refere no merkadu ne'e iha deit vendedores balu maka loke kios no restaurante ida. Merkadu ne'e la funsiona tambá laiha portaun de-asesu, alem de ida ne'e kestaun mos iha parte servisu segurança nian atu kontrola visitantes.



Vizita Merkadu Mota-ain Batugade



PARLAMENTO
NACIONAL
República Democrática de Timor-Leste

Komisaun Ekonomia no Dezenvolvimentu

3.5 Vizita produsaun Masin Inur Hitu Atabae

Husi vizita ikus nian, Komisaun ba hare fatin produsaun masin iha Atabae no dada lia ho representante husi Grupu produsaun masin nian. Tuir informasaun katak atividade produsaun masin iha Atabae laiha atividade de-produsaun tanbá maquina ne'ebé fornese be'e a'at. Representante husi Grupu refere haklean mos katak iha Grupu produsaun masin ida mak nia atividade lao hela além de produs masin iha parte seluk mos halao atividade hakiak ikan.



Vizita fatin Produsaun Masin Atabae



Vizita fatin turismo Inur Hitu

Komisaun Ekonomia no Dezenvolvimentu

IV. Konkluzaan

Durante Membrus Komisaun hala'ó reuniaun ho Presidente Autoridade Munisipiu Bobonaro ho Diretores husi Ministeriu husi servisu relevantes, no halo vizita de-observasaun direta ba iha terenu Komisaun konklui katak:

1. Alokasaun orsamentu ba manutensaun tratores la suficiente tambá aloka deit \$2000 kada tinan hodi halo manutensaun;
2. Sistema irigasaun Mautalo, Suco Meligo, Cailaco, hetan mos estragus husi mota no fo impaktu ba Agrikultor sira hodi halai natar, no amesa mos ba torre electricidade ne'ebé liga ba Postu Administrativu Cailaco;
3. Sistema irigasaun Maliana 1, ne'ebé lokaliza iha Suco Lahomea, iha tinan ne'e la funsiona tambá Maquina forneseimentu be'e ba irigasaun hetan avaria no nia perras (sparpart) laiha, ida ne'e difikulta Agrikultor sira hodi halo natar;
4. Sistema irigasaun Maliana 2 iha Suku Tapo-Memo, la funsiona ho diak tanbá iha tempu udan raihenek nakonu iha irigasaun laran no okupa kuaze 16 kilométru husi irigasaun nia-ulun;
5. Iha Munisipiu Bobonaro laiha Centro Formasaun hodi fó treinamentu ba iha Joven sira hodi eleva sira nia kapasidade;
6. Servisu diresaun Ambiente munisipal, hetan difikuldade ba fatin servisu no la iha laiha ATK hodi hala'ó servisu administrasaun nian;
7. Fatin turística “Be'e Manas Marobo” presiza infraestruturas basiku hanesan estrada, saneamentu, hotelaria no restorante hodi facilita visitante sira.

V. Rekomendasaun

Ministeriu Agrikultura no Peskas

1. Rekomenda ba ministériu atu aumenta orsamentu manutensaun tratores ba munisipiu hotu, ho hanoin ida katak orsamentu \$2000 dólares amerikanu ne'ebé aloka kada tinan la suficiente, tanba durasaun ba tratores sira ne'e liu ona tinan 10;

Komisaun Ekonomia no Dezenvolvimentu

2. Rekomenda ba Ministeriu atu fasilita escavator hodi normaliza lalais be'e mota ne'ebé agora dadaun sobu irigasaun iha Suku Meligo, Cailaco, tanbá impaktu husi udan no iha futuru konstroi bronjong hodi satan mota;
3. Rekomenda ba Ministériu atu hadia maquina forneseimentu be'e ba sistema irigasaun Maliana 1, tanbá hetan avaria, no mos hadia ponte ne'ebé liga ba kanál irigasaun refere;
4. Fasilita equipamentos pezadus "Escavator" hodi normaliza sistema irigasaun no kontrola segmentasaun ka raihenek ne'ebé taka kanal irigasaun Maliana 2;
5. Rekomenda ba Ministeriu atu fasilita fini hare ba iha agrikutor sira tuir tempu, nune'e bele hasa'e produsaun hare;
6. Rekomenda ba Ministeriu atu hare funsionamentu ba Carantina animal iha Batugade, tanba durante tinan sanulu fatin ne'e abandonadu hela

Ministériu Turismo, Comercio no Indústria-MTCI

1. Rekomenda ba Ministeriu atu tau-matan ba infraestruturas basiku iha Be'e Manas Marobo hodi nune'e bele facilita visitante sira;
2. Rekomenda ba Ministeriu atu bele loke estarada ba fatin turismu iha Inur Hitu, tanba fatin ne'e nia paizajem furak los no bele atraí vizitante sira ba vizita;
3. Rekomenda ba Ministeriu atu tau-matan ba funsionamentu atividade mercadoria iha Motaain-Batugade ne'ebé durante ne'e abandona
4. Rekomenda ba Ministeriu atu organiza no ativa fila fali Grupo Cooperativa produsaun Masin iha Atabae;

Sekretáriu Estadu Ambiente

Rekomenda ba Sekretáriu Estadu atu hare ekritoriu no material ekritoriu ba funsiunariu sira hodi nune'e bele hala'o servisu diak liu tan.



Komisaun Ekonomia no Dezenvolvimentu

Sekretáriu Estadu Formasaun Profisional no Emprego

Rekomenda ba Sekretáriu Estadu atu hari Centro Formação iha Munisípiu hodi fasilita treinamentu ba Juventude sira.

VI. Aprovasaun Relatóriu

Relatóriu vizita traballu Komisaun iha Munisípiu Bobonaro, lé no aprova iha reuniaun loron 28 Marsu 2019, ho votus 6 a favor, 0 kontra no abstensaun 0.

Prezidente Komisaun,

Relatora

Virgínia Ana Belo

Deputada Olinda Guterres